



Broj: 22-44-1765-29/17
Sarajevo, 16.05.2018. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 92. stav (3) Pravilnika o unutrašnjoj organizaciji Kantonalne uprave civilne zaštite, na Preporuku Komisija za nabavku, broj: 22-44-1765-27/17 od 15.05.2018. godine, u postupku javne nabavke roba: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“, direktor Kantonalne uprave civilne zaštite Kantona Sarajevo, *donosi*

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisija za nabavku, broj: 22-44-1765-27/17 od 14.05.2018. godine i Ugovor o nabavci, isporuci i instalaciji atomskog apsorpcionog spektrometra sa plamenom, grafitnom i hidridnom tehnikom, dodjeljuje se izabranom ponuđaču **Alphachrom d.o.o. Sarajevo**, ponuda od 01.02.2018. godine, za ponuđenu cijenu od **89.900,00 KM bez PDV-a**, kao najpovoljnijem ponuđaču.

Član 2.

(1) Prijedlog Ugovora o nabavci, isporuci i instalaciji atomskog apsorpcionog spektrometra sa plamenom, grafitnom i hidridnom tehnikom, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, broj 39/14).

(2) Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostaviti sve dokaze o kvalifikaciji (dokaze lične sposobnosti i dokaze ekonomske i finansijske sposobnost) koji su traženi kao uslov za učešće u ovom postupku javne nabavke i to na način i u formi kako je zahtijevano tenderskom dokumentacijom za predmetni postupak javne nabavke, broj: 22-44-1765-2/17 od 10.11.2017. godine, kao i izmjenama navedene tenderske dokumentacije.

Član 3.

Za realizaciju ove Odluke zadužuju se i ovlašćuju Komisija za nabavku roba: „Nabavka, isporuka i instalacija atomskog apsorpcionog spektrometra sa plamenom, grafitnom i hidridnom tehnikom“ i Sektor za ekonomske poslove Kantonalne uprave civilne zaštite Kantona Sarajevo.

Član 4.

Ova Odluka će se u skladu sa članom 70. stav (6) Zakonom o javnim nabavkama objaviti na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 22-44-1765/17 od 10.11.2017. godine.

Postupak nabavke je sproveden putem otvorenog postupka javne nabavke.

Procijenjena vrijednost javne nabavke bez PDV-a je 110.000,00 KM.

Komisija za nabavku je imenovana Rješenjem, broj: broj: 22-44-879-1/17 od 10.11.2017. godine i Rješenjem o izmjeni Rješenja o imenovanju Komisije za nabavku broj: 22-44-1762-1.1/17 od 29.01.2018. godine.

Obavještenje o nabavci, broj: 282-1-1-61-3-29/17 objavljeno je dana, 10.11.2017. godine na Portalu javnih nabavki, kao i tenderska dokumentacija, dok je sažetak Obavještenja o nabavci istog dana poslano na objavu Službenom glasniku Bosne i Hercegovine koje je objavljeno u „Službenom glasniku Bosne i Hercegovine“, broj 83/17, dana, 17.11.2017. godine.

Ispravka Obavještenja o nabavci, broj: 282-1-1-61-8-2/18 objavljena je dana, 16.01.2018. godine na Portalu javnih nabavki, kao i izmjene tenderske dokumentacija, dok je sažetak Ispravke Obavještenja o nabavci istog dana poslano na objavu Službenom glasniku Bosne i Hercegovine, koje su objavljene u „Službenom glasniku Bosne i Hercegovine“, broj 4/18, dana 19.01.2018. godine.

Komisija za nabavku dostavila je dana, 20.02.2018. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda, Preporuku ugovornom organu i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku primljene dvije ponude.
- Da su blagovremeno primljene dvije ponude.
- Da nije bilo ne blagovremeno primljenih ponuda.

- Da ponuda ponuđača Alphachrom d.o.o. Sarajevo ne ispunjava sve zahtjeve u pogledu opisa predmeta nabavke i tehničkih specifikacija iz razloga što je navedeni ponuđač ponudio artikl naziva: AAS Duo 280FS/280Z Ultra AA sa kataloškim brojem: G8442AA, odnosno dva instrumenta (uređaja – aparata) i to jedan (280FS AA) za plamenu, a drugi (280Z AA) za grafitnu tehniku, a što nije u skladu sa tehničkim specifikacijama koje su navedene u izmjenama tenderske dokumentacija, broj: 22-44-1765-4/17 od 16.11.2017. godine za predmetni postupak javne nabavke, kojim je Ugovorni organ precizno odredio minimalne zahtijevane tehničke karakteristike predmetne robe, na osnovu potreba svoje Službe za epidemiologiju, mikrobiologiju i zaštitu i unapređenje životne sredine, koji osiguravaju rad sa dvije tehnike (grafitna i plamena) na jednom uređaju (aparata – instrumentu).

Posebno treba istaći i činjenicu, da je ponuđač Alphachrom d.o.o. Sarajevo u toku postupka nabavke uložio žalbu na tendersku dokumentaciju za predmetni postupak javne nabavke, odnosno njene izmjene, koju je Ugovorni organ sa ostalom dokumentacijom i svojom Izjašnjenjem [u kojem je također, eksplicitno navedeno: „Ugovorni organ je izmjenama tenderske dokumentacija u tehničkim specifikacijama precizno odredio minimalne zahtijevane tehničke karakteristike predmetne robe, na osnovu potreba svoje Službe za epidemiologiju, mikrobiologiju i zaštitu i unapređenje životne sredine, koji osiguravaju rad sa dvije tehnike (grafitna i plamena) na jednom uređaju (aparata – instrumentu).“] proslijedio Uredu za razmatranje žalbi BiH, koji je svojim Rješenjem broj: JN2-03-07-1-1290-8/17 od 29.12.2017. godine, odbacio žalbe ponuđača Alphachrom d.o.o. Sarajevo izjavljenu na tendersku dokumentaciju u predmetnom postupku javne nabavke kao neosnovanu.

Utvrđeno je, da se iz navedenih razloga ponuda ponuđača Alphachrom d.o.o. Sarajevo odbacuje na osnovu člana 68. stav (4) tačka h) Zakona o javnim nabavkama jer ista ne ispunjava sve zahtjeve iz tenderske dokumentacije predmetnog postupka javne nabavke, kao i iz njenih izmjena.

- Da je prilikom pregleda i ocjene ponuda Komisija za nabavku imala određene nejasnoće u ponudi ponuđača Mikro+Polo d.o.o. Sarajevo, koje su se odnosile da li je njegov ponuđeni instrument ZEEnit 700P BU, proizvođača Analitika Jena AG-Njem kompatibilan sa lampama proizvođača Varian/Agilent koje odranije postoje i trenutno se koriste u laboratoriji Službe za zaštitu i unapređenje životne sredine, a koje su navedene u tenderskoj dokumentaciji za predmetni postupak javne nabavke, te je od navedenog ponuđača zatraženo da dostavi pojašnjenje dokumentacije iz svoje ponude za traženi uslov.

Navedeni ponuđač je u roku propisanim Zakonom o javnim nabavkama dostavio traženo pojašnjenje kojim su otklonjene nejasnoće u vezi ispunjavanja traženog uslova, tako da je utvrđeno, da je ponuda ponuđača Mikro+Polo d.o.o. Sarajevo prihvatljiva sa tog aspekta, odnosno da je instrument (ZEEnit 700P BU) koji je ponudio, kompatibilan sa lampama proizvođača Varian/Agilent koje odranije postoje i trenutno se koriste u laboratoriji Službe za zaštitu i unapređenje životne sredine, a koje su navedene u tenderskoj dokumentaciji za predmetni postupak javne nabavke.

Također, je utvrđeno, da je ponuda ponuđača Mikro+Polo d.o.o. Sarajevo, kvalifikovana i prihvatljiva, da ispunjava sve zahtjeve i kriterije koji su traženi tenderskom dokumentacijom za predmetni postupak javne nabavke, broj: 22-44-1765-2/17 od 10.11.2017. godine, kao i izmjenama navedene tenderske dokumentacije, te da su dostavljeni svi traženi dokazi na propisani način.

- Da nema razloga za zakazivanje i održavanje E-aukcije u predmetnom postupku javne nabavke jer je od primljenih ponuda samo jedna ponuda prihvatljiva, te da se zbog toga

predmetni postupak okončava u skladu sa članom 69. Zakona o javnim nabavkama, a što je propisano u članu 6. stav (3) Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16).

Direktor Kantonalne uprave civilne zaštite Kantona Sarajevo, je na osnovu prijedloga Komisije za nabavku dana, 20.02.2018. godine donio Odluku o izboru najpovoljnijeg ponuđača, broj: 22-44-1765-15/17, kojom se ugovor o nabavci, isporuci i instalaciji atomskog apsorpcionog spektrometra sa plamenom, grafitnom i hidridnom tehnikom, dodjeljuje ponuđaču Mikro+Polo d.o.o. Sarajevo, kao najpovoljnijem ponuđaču, za ponuđenu cijenu od 109.950,00 KM bez PDV-a.

Ponuđač Alphachrom d.o.o. Sarajevo je nakon izvršenog uvida u ponudu najpovoljnijeg ponuđača, dana, 09.03.2018. godine dostavio Ugovornom organu žalbu na navedenu Odluku.

Ugovorni organ je pripremio Izjašnjenje na žalbu ponuđača Alalphachrom d.o.o. Sarajevo, koje je dana, 13.03.2018. godine zajedno sa ostalom dokumentacijom prosljedio Uredu za razmatranje žalbi BiH – Filijala/Podružnica Mostar.

Ugovorni organ je dana, 10.04.2018. godine primio Rješenje od Ureda za razmatranje žalbi BiH – Filijala/Podružnica Mostar, broj: JN2-03-07-1-351-9/18 od 05.04.2018. godine, kojim je usvojena žalba ponuđača Alphachrom d.o.o. Sarajevo na Odluku o izboru najpovoljnijeg ponuđača kao djelomično osnovana, poništena je navedena Odluka i predmet je vraćen Ugovornom organu na ponovni postupak.

U skladu sa stavovima iz navedenog Rješenju, predmetnom tenderskom dokumentacijom, zakonskim i podzakonskim propisima, Ugovorni organ je nastavio predmetni postupak javne nabavke (dana, 24.04.2018. godine donio Odluku o poništenju Odluke o izboru najpovoljnijeg ponuđača, 22-44-1765-24/17, kojom je između ostalog, poništena Odluku o izboru najpovoljnijeg ponuđača, broj: 22-44-1765-15/17 od 20.02.2018. godine i nastavljen predmetni postupak javne nabavke, te o istom obavijestio ponuđače koji su dostavili svoje ponude).

Komisija za nabavku je dana, 08.05.2018. godine u 11:50 sati u informacioni sistem E-nabavke unijela sve prihvatljive ponude, te zakazala održavanje E-aukcije za dan, 10.05.2018. godine u 14:05 sati i odredila da će dužina trajanja E-aukcija biti 20 minuta.

E-aukcija je održana dana, 10.05.2018. godine u zakazanom terminu u skladu sa odredbama Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), o čemu je sačinjen Izvještaj o toku i završetku E-aukcije.

Komisija za nabavku je na nakon provedene E-aukcije sačinila: novi Zapisnik o pregledu i ocjeni ponuda, kao i Preporuku Ugovornom organu, te Izvještaj o provedenom postupku javne nabavke, koje je sa Izvještajem o toku i završetku E-aukcije dana, 16.05.2018. godine dostavila direktoru Kantonalne uprave civilne zaštite Kantona Sarajevo.

U postupku donošenja ove Odluke, posebno su cijenjene činjenice, da je Komisija za nabavku postupala u skladu sa Rješenjem Ureda za razmatranje žalbi BiH – Filijala/Podružnica Mostar, broj: JN2-03-07-1-351-9/18 od 05.04.2018. godine, te da je u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno, da je Komisija za nabavku u svemu pravilno postupila, kao i da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, te tenderskom dokumentacijom i provedenom E-aukcijom.

Uvidom u priloženu dokumentaciju, nesporno je da je **izabrani ponuđač** najbolje ocijenjen jer je njegova ponuda u ukupnom iznosu od **89.900,00 KM bez PDV-a**, prema kriteriju za izbor (**najniža cijena**) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ
- a/a



DIREKTOR

Samir Džihic



E-mail: kucz@kucz.ks.gov.ba; www.ks.gov.ba
tel: + 387 33 201 595; + 387 33 443 720; fax: +387 33 560 453
71000 Sarajevo, Hamida Dizdara 1